

شعب للبيع

الشاعرة

دعاء فايد



مكتبة حبرية الزبد

بطاقة فهرسة

حقوق الطبع محفوظة

مكتبة جزيرة الورد

اسم الكتاب : شعب للبيع

المؤلف : دعاء فايد

رقم الإيداع : ٧٦٤٢ / ٢٠١٤

الرقم القومي: ٢٢٠١٠٠٠٦١

الطبعة الأولى ٢٠١٤



مَكِّيَّةٌ تُخْرِقُ رِقَّةَ الْوَرْدِ

القاهرة: اعيادان حليم خلف بنك فيصل

ش ٢٦ يوليوس من ميدان الأوبرا ت : ٤-٥٠٠٠٠٠١ - ٧٧٨٧٧٣٧٤

تقديم

وسط صياح غامر من حملة المباخر ودراویش الثورات الوطنية ، أصبحت الثورة المصرية في ٢٥ يناير وما تبعها ، بالأمر المستعصي الفهم ، بل والمتخطي كل حدود الوعي والمعنى . ولم يعد المصري في حاجة إلى من يشرح له الأحداث ، ويحلل له نتائجها . بل كانت حاجته الملحة إلى نظرة لهذا الواقع الملتبس بعين تفوق عين العالم المتخصص ؛ ألا وهي عين المبدع الثاقبة ، ورؤية الشاعر الملهم بروح الغد ، وخيال الفنان الذي يرى بحدسه الداخلي ما يدركه التاريخ لاحقاً ، ويجلي به غموض استمر عشرات بل مئات السنوات . وذلك الغموض هو ما سعت الشاعرة المبدعة «دعاء فايد» إلى سير أغواره في كتابها الأول «شعب للبيع» ، متخطية حدود التقليدي والمنقول ، ناشدة آفاق من الحرية والانطلاق تصل بكلماتها إلى عنان السماء ، في ذات اللحظة التي تحتضن فيها الأرض الطيبة ؛ بحدودها وطينها ، بأطفالها وشيوخها ، بحلوها ومرها ..

أعترف أنني لم أشعر بالوقت وأنا بين ضفتي هذا الكتاب ، على الرغم من إحساسي بأني عشت فيه سنيًا مديدة ، وتعرفت من خلاله على أناس لا حصر لهم ؛ تصادقت مع بعضهم ، وتشاجرت مع البعض الآخر ، هتفت لمقولات البعض ، وشجبت ونددت بآراء البعض .. باختصار « إن هذا الكتاب هو حياة أفضل من الحياة » .

د/ فريد النقراشي



شكر و تقدير

مقدمة

أهدي كلمتي إلى من احتملت الألم منذ حملتني .. ورغم ذلك بشوق
انتظرتني .. والتحمت دموع عذا بها بدموع الفرح لحظة لقائي ..
وأرضعني حبها وحنانها .. إلى غاليتي وحببتي .. والدتي .
وأهديها لمن كان لي حصناً حصيناً .. وقلباً أميناً .

وحمل حمل طول السنين .

وكان فرحي في كل يوم حزين

وكان عقلي إذا تراحمت الأفكار

وسرى يوم يضيق الصدر بالأسرار

وغفراني يوم يتسربل العمر أوزار

وملاذي حين يداعب نجاحاتي بالانبهار

والذي الحبيب

وأهديها إلى من وهبته قلبي واعتصره الحبيب وحنيناً وشوقاً وأنيئاً
وشهداً ومرار وغفراً وأوزار بين لقي وفراق .. ولكني لم أسكب
لعنات سكنت أعماق قلبي على الغربة .

بهـدوووووووء ... زالت بزوال السبب والرضا بقضاء الله .

أهديها إلى كل مواطن اعتصرته الأيام أَلَمًا وحصد الأشواك في
دروب لم يجدي منها إلا الأنين والعذاب في ظل أي نظام حكومي
سابق وضعه بين المطرقة والسندان .

وفق الله مصر وشعبها العظيم لما يحبه ويرضاه .

وأهديها إلى كل من ساندني وكان لي حافزًا يشد سواعد نجاحاتي
ويقدره .

الدكتور فريد النقراشي مقدم كتابي والأستاذ محمد عبد اللطيف
فنان الكاريكاتير ومصمم الغلاف . لكما مني ألف شكر وتحية
وعرفانًا بالجميل .

دعاء فايد

شعب للبيع

حد عايز شعب حر؟!
مفيش حاجة تأثر فيه
ما شافش غير أسية ومر
ولسه الأمل عايش فيه

شعب كان مسلم أمره
للى كان فى إيده أمره
جه يوم و انتهى صبره
قامت ثورة عظيمة فيه

نقول كمان...كان ياما كان
الشعب كان راضى وغلبان
بقاله زمان .. عايش فى هوان
فجأة فجر البركان

ثار ضد ظلم رئيس
وحكومة غاوية التدليس
واللى فاكرها للتوريث
راح متكلبش على اللومان

نقول كمان... كان ياما كان
الشعب صار ضد الطغيان
ضد الهذيان...
ضد الجوع والحرمان

قامت ثورة ٢٥
جمعت كل المصريين
مسلمين.. مسيحيين
اتحدت كل الأديان

جرجس مع عبدالرحمن
شعب مصر فى الميدان
رب واحد .. شعب واحد .. قلب واحد
كله إيمان

لينا حق ومش هنسيبه
وحلفنا لازم هنجيبه
هتفنا بعلو الصوت
يا ظلم عدى وفوت

يسقط يسقط كل مبارك
قامت ضده أيام معارك
كل إيد كانت بتشارك
قولنا هنتفضى على الطغيان

و رغم موت ألف شهيد

كان ييملا قلوبنا عيد

هيتهى زمن العبيد

و ترجع مصر ليها كيان

وبعد ما قولنا كلمة حق

قولنا فى وش الطاغى لأ

بين ألف طريق على شق اشتق

خلعنا رئيس بعد العصيان

فرحت قلوبنا كلنا

رقص وغنى شعبنا

صلى و حمد ربنا

كلنا وسط الميدان

بدأنا عهد جديد

و رجعنا تانى عييد
للعسكر بالتحديد
بين طنطاوى وعنان

حكموا بالتهديد
وقبضة من حديد
والشعب كان عنيد
فجر تانى بركان

وهتفنا بعلو الصوت
يا ظلم عدى وفوت
يسقط يسقط حكم العسكر
كان الإصرار دايماً أكبر
مهما الظلم ف يوم اتكبر

يسقط كل عميل وجبان
قولنا انتخابات حرة نزيهة
نعدل كل المائلة فيها
نمحي المرة و نحليها
نعيش حياتنا بأمان

نبني فيها نعيمها
مصانعها الواقفة ندورها
اراضيها اليابسة نخضرها
و نغني صور يا زمان

وقبل ما نكمل حلمنا
صحينا وفوقنا كلنا
اتصفوا كل المرشحين
نختار بين مرين

نرجع فلول وفاسدين
أو ندخل كهف الإخوان

ونرجع تانى لكان ياما كان
الشعب وقع فى خبر كان
ذل الحيرة فى الانسان
الشقيان والتعبان
ع الجعان والبردان

بين شفيق ومرسى
مين يقعدع الكرسي
ضاعت كل فرصى
الأمل بات هزلان
بين مرسى وشفيق

قاد ف عقولنا حريق
هنكمل الطريق ... ؟!

الحلم يا ناس غرقان
شمل الشعب اتفرق تانى
كل فريق فى رأيه انانى
الى من الفلول بيعانى
والى كاره الاخوان

صابنا جنان
و موروستان ..
هوس حاصرنا فى كل مكان
فريق صابه جنون ..
وعصر على نفسه لمون
قال طبعا مش هنيهون ..
على ريس حافظ قرآن

وفريق قال مشيها فلول ...

اتعودنا اكل الفول

كان شفيق فاهم مسئول ..

وكأن يوم الثورة ما كان

وفريق احتار بين الاتنين ...

قال أنا رافض الطرفين

أى اختيار منهم مهين

هيرجعنا للطغيان

قصره... وبالتسييس

جابلونا مرسى رئيس ...

يلا يا شعب غنى و هيص

بدأ بخطبة التهجيص ...

و كله بالحب يا ولهان

شغل جنان ... بالحنان ويا الأحضان

كله لعشيرته وللخرفان

إطلق سراح المساجين ...

وإعتقل في الثوريين

هد أحلام السنين ...

ليك يوم يا جبان

اشترى غزوة ويبيع في سينا ...

بيع أهرامنا وكل مالينا

بيع تاريخنا .. بيع ماضينا ..

و مثل انك زعلان

سد النهضة وافقت عليه ...

إمضي يا باشا امضي يا بيه !

وبكيفك حلايب ليه ..

نويت تديها للسودان ؟ !

قسم فرق..إخرب إحرق ..
إشعل فتن..من قوتنا اسرق
عاصر اللمون كمان ندمان

حب بيريز وإعمل تقيل ...
إتودد له ولاسرائيل
ما انت خاين إنت عميل ...
ليهم و للامريكان.

لعنة الغرور ...
جابت عليك الدور
ما كنت ماسك سيف ...
بتنادى على مسرور
يا أفعى يا شيطان.

ودخل السيسى بكلمة ...

أنا مش لابس عمة

شعب مصر فى عينى ...

بس ارجعوا ع الميدان

وبقوة شعب مصر ...

خرج جاب النصر

ثورة ٣٠ يونيو ...

اتفجر تالت بركان.

هتفنا بعلو الصوت ...

مصر مش هتموت

الحلم مش هيموت ...

دى نار من غير دخان

ع اللومان .. يا جبان ...
يا عميل الأمريكان
يا زعيم الخرفان.
أديننا في الانتظار ...
علشان نقول عمار
مصر أم الأحرار ...
قضت ع الطغيان.

عايزين نبدأ عهد بخير ..
من غير رغى و لا تبرير
من غير سرقة و لا تحوير ...
الفساد ده كان زمان.

في انتظار ريس معهود ...
يحقق لنا كل الوعود

ويكون قادر ع الصمود ...

فارس من قلب الشجعان.

يا رب ذكرتها فى كتابك ...

انصرها وافتح ابوابك

واحمينا من سخط عذابك ...

عالي رايتنا فى كل مكان.



میشو

میشو نقش ریشو ..

فرحان ب ورنیشو

فاتح بابہ و شیشو ..

وغروره بالأوی داسه

میشو علی البسطة ..

طلعها بالواسطة

وجت معاه فلتہ ..

ب اخوانه وحماسه

میشو هنیاله ..

رايقة وضحکاله

صافیة وصفیاله ..

والکون مش قد مقاسه

وفجأة شهر سيفه..

حتى على طيفه

خليه على كيفه ..

بكرة يدوق كاسه

ولا ريشة من ريشو ..

ولا حتى ورنيشو

هيقفل تانى شيشو..

أهو كله من طيشو

مش عايزينه يعقل..

ولا يجى يوم ويسأل

هو ايه بيحصل ..

ولا يرجع عقله لراسه

نقول كمان ...؟!!

نقول كمان

عيوطى نفس ريشو ..

فرحان بألاضيشو

والبدلة بعد خيشو ..

نَسِيته اللومان

وافتكرا انه بيه ..

لا يا سعادة البيه

انت اخرك ايه ..

السجن والسجان

بيع في مصرنا بالحنة ..

بيع بلدين او خمسة ستة

واشترى كام دقن وجتة ..

فرق مصرع الأوطان
مصر هتفضل ام الدنيا ..
مش عذبة لأم الإخوان
مصر هتفضل آمنة وغالية ..
وانتو يا دوب حبة خرفان.



المزاد

ضماير وسط مزاد

يلا جه الميعاد

مراجيح، على سندباد

وتوهة مليا الغمة

بايعين ضمايرنا ليه؟

وسط الألوّنا وتريه

والسعر ياناس على نور

لكن البيع في الضلّمة

اللي بايعه عشان مذلول

واللي بايعه عشان دلّول

وابو مصلحته يبيع على طول

يلا يا خلق شوية همة

فتح المزاد....فتح المزاد

ألاؤنا..الأدوى..ألاتريه

بيعى ياهانم

شارى البيه

يلا يا بايع للمصلحة..

عايز كام؟!

تمن البيع هيكون مدبحة..

وسط الأيام!!

معانا ضمير لقطة

استعمال خفيف

مين هيدفع اكتر؟

ده كان فى يوم نضيف

مين هيبيع نفسه لمزاجو

لو المزاج ف يوم احتاجو

يضحى عشانه بقوت العيلة

وكفاية عليهم نص رغيف..
نصيحة صريحة..
تمن البيعة زوال النعمة

مزدانا مليون فرص
لا فضايح هنا ولا جورص
البائع شكل الشاري
لا تخاف ولا تحترس

وادی ضمير اتباع بالعالی
نهب وكذب دا سعر و عالی
أشكال ضمائر مفتوحالی
والشاری دائما لابس عمّة

ومعانا ضمير سعره رخيص
بيقول أوشك ع التفليس
بيكبش وييملا الكيس
فاكر الدنيا لجنابه دايمّة

ده فى بخله يامغيث
ويسمى نفسه حريص
مسير كيسه للقراطيس
يفنوه فى التهليس

لما يموت معدوم الذمة
مزدناع المكشوف
ده شايف، وده مكفوف
أرقام فى وسط حروف
وغابة فى غفلة نايمة

ومعانا ضمير كمان
عايش فى الأحزان
ما هو أصله من زمان
حموله عليه قايمة

المم وأكل عياله
وده ظرف طارق جاله
وجهاز بنته ومشاله
دى سحابة فرحة غايمة

ومعانا ضمير كمان
هايج وسط تيران
حمّاه واحد جربان
مش لايقة عليه الفورمة

تهليب، وسرقة، غسيل اموال
بنوك، أراضى .. أعضاء أطفال
ده غير النصب والاحتيال
بفلوسه ضارب الدنيا صارمة

مين ياناس بيقول انا شارى

مین وشه زی ضمیره عاری
منه یخلص تارکو وتاری
لو الضمیر ترجعله لزمة

ضمایر سودة کتیر
أشکال علی الوان
ده قال انا انسان
وده عارف انه جبان

هنتقل المزاد
وبرضو الخوف مالینا
ویارب العباد
الحقنا والطف بینا
من الی شاری والی باع
الائین ضمیر و ضاع
مع الی واکل والی جاع
خلاص خلصنا فرکش لمه.

زمن لعبة الحسابات

شيفاني عيونه وقلبه ضرير

غاوى لف على تحوير

كأن مفيش ابدأ تأثير

وغلطه صعب الاحتمال

كل غلطة وليها تبرير

فاكر قلبي لعقله أسير

تلاقيه نار على زمهرير

وان زعلنا بقا موال

نزعل ومعانا الحق

نتواجه ومنين الحق

بين ألف طريق على شق اشتق

يجيب اللوم علينا في الحال

ويغير في الكلام

ويحطم في الأحلام

ده مسيره للأيام

تسقيه مر الأهوال

ما بينه وبين الدنيا

حاجز يعلا في ثانية

يشوفها دنيا ثانية

سودة ف كل الأحوال

هيضيعني منه

غصب عني وعنه

بغروره بغدره بظنه

وكذبه يمين وشمال

واخذها عافية وباع ودراع

يا اما يقول يلا الوداع

بين حبي وجبروته صراع

بيهدع الدنيا الآمال

عايز يعيش مرتاح مبسوط

لو التمن هيكون لي الموت

يدفعو ويحط شروط

ياقبل ذل ونار وضلال

ارضا غموضه يا اما يفارق

صبحه يغرب ليله يشارق

وانا كدة عقلي خلاص مش طايق

يحرق يلعن يلا يفارق

يلا يظالم ع الترحال

مبنيكيش ع اللى مبكاش

بيعه قريب مبيستناش

يلا يكثر من ابو بلاش

الغربة تداوى لو الليل طال

بيع الحب وبيع العشرة

بين معدن دهبه قشره

حب ايه...؟ ده اكبر فشرة

مين يهمك...؟ وايه اللى اتقال؟

صبحت يهمك نفسك بس

مات ضيرك فقد الحس

دارى ملامحك... كارهة ابص
وقلبى رافض الوصال
دارى كلامك وسط الصوت
خدر عقلى... كلام ويفوت
بتقول نحاسك اصله ياقوت
وفرضت صيام واحد شوال...!!!

يا حبيبى اعمل مابداك
انت خلاص اتبدل حالك
أصبح كل اهلك مالك
دايس الكل وليه شيال

بكرة هترجع دنية اصلك
لما تحن لرجوع نفسك
هيكون مات الحب ووصلك

مش هتنوله ولا فى خيال

قضيها سفر... مش هعتبر

غير حبيب على قلبه قدر

مش هنكسر... مش هتقهر

مش هلعب زيك على وتر

لعبة حسابات سموها البشر

خفف من الدنيا الاحمال

لعبة حسابات جوة الزمن

العبها تدوس على كل المحن

بيع نفسك واقبض لها تمن

ارضى غرورك واملك مال

شروط اللعبة بجرة قلمك
كام يرضيك لو تاخذ تمنك
ولا تمن ماتفارق حضنك
تاخذ كام وتنسى نفسك
اهلك ناسك اصلك بلدك
لزمك كام يكفى تسبب حبك
وشوف بالمرة سعر لقلبك
كله بتمنه حلال فى حلال

مانت هتشقا شقا الرجال
لحد ماتوصل للمنال
أصل الشقا مش لعب عيال

نسيت تحط سعر مهم
بكام رفضك لو مهمتم

تسعر نفسك وعندك دم!

ودا، كان اهم سؤال!!!

كام تمن رفض دخولك من سكات

جوة لعبة الحسابات..!؟!

طبعك بان...!!

لو علقت في صدرك رفضك حتى وسام

برضو رضيت وقبضت ف اصلك باستسلام



خضوع تسليم مع الأيام

مشيت في جنازة الأحلام

ليك وليها تعظيم سلام

بلا عتاب ولا كلام

على دنيا اللعبة مع الترحال.

ملعون يا باشا حضرتك

ملعون يا باشا حضرتك ..

ملعون بأهلك ب فورمتك

ملعون بطولك برمتك ..

لعنة تحل ع الى جابك

بكرة تندم حضرتك..

تضرب نفسك بجذمتك

و تلعن ام الى لينا جابك

ع الى معاك والى سابك

إسرقوا حبة فلوس

و إتملعنوا على التيوس

و الى اتعلموا الدروس

والى طاعك من تيرانك

اخون اخون فى مصرنا

تحل عليك لعنة ربنا

واحنا هناخذ حقنا

من كل كلب فى كلابك

هنرميك مطرح ما جيت

انت والى بيهم جيت

فطرت بينا واتغديت

و عشانا بيك وسط مكانك

هدد مايهمكش حد

بكرة تشوف الثورة بجد

ع الى صد و الى رد

بنلعن كل يوم فى زمانك

فاكر نفسك فعلا حاكم؟

وانت نفسك لىك كام حاكم؟

انت يا دوب اخرك تتحاكم

و نرفع راس الى هانك

جاي تضحك هنا على مين؟

انت و اخوان الشياطين

فارقونا يا حبة ملاعيين

حط مرة عقل فى راسك

مانتوش نافعيين ..

خارجين خارجين

متسلطين .. و باسم الدين

تيجى دوللى شاهين .. ترقص مع مين ..؟

يا عريانين .. شطار مساكين

خلونا ساكتين ..

كفايانا نلعن ابو اللى جابك

و اللى سابك ... و ف شبابك

و ف خطابك .. شقيانيين

حوارات سرية على الهوى ..

بين جلطة و ذبحة مفيش دوا

واخدها حداقة وفهلوة ..

فاكرها عذبة لخرفانك؟

يا سيدنا مصر كبيرة عليك

سييها الله يرضا عليك

مش لاقين كلمة تليق بـيك
وكفاية عليك.. نلعن ابو جنابك
واللى جابك



متمسكين

متمسكين...

ماسكين و موش سايين

شد قصادنا الحبل ..

سمعنا صوت العقل

صوته زى الطبل ..

ييقول مكملين

شد بعزمك شد و شد ..

و عد في ايامك عد

مصيرك هيكون الطرد ..

و غيره مش قابلين

مكملين ادام الظلم ..

قول خطايين واعملك فيلم

هدفنا جسدناه في حلم ..

وعلى تحقيقه احنا قادرين

زى ما عشنا فى المواجه ..

وانضربنا فى الشوارع

حقنا اكيد راجع راجع ..

من اخوان متأسلمين

قعدوا على عرش بلدنا ..

باعوا فيها و فى ولادنا

نسيوا غضبنا وعنادنا ..

نسيوا مين المصريين

احنا الى دايرين فى الطاحونة ..

بين حرامية بيسرقونا

وبين تجار يبييعونا ..

فرقونا .. قسمونا
طوحونا و دوخونا ..
بعد الى عصروا اللمونة
وشيلونا ... فوق الظلم قرف وطين

احنا الى جوعنا واتعرينا ..
احنا الى صومنا وصلينا
احنا الى موتنا وحيينا ..
احنا عرق الشقيانيين

احنا الممرار الى طافح ..
و كنا بالحب نصافح
و نرضى ونسكت ونسامح ..
و كنا بالقليل راضين
زودتوها و طفح الكيل ..
نشفتوا حتى فيها النيل

و كل حرقا ذليل ..
عار عليكموا يا مسلمين

هنثور عليكم و على سيدكم ..
وعلى خرفانكم وعبيدكم
ميهمناش ابدآ تهديدكم ..
ولا تهديدم الشياطين

بقيت ثورة جياع ..
ما تاكلش من الخداع
ده احنا شعب اتباع ..
فى سوق تجار الدين.



ثورة دي ولا انقلاب

انقلاب بأمارة إيه ..

تعال نتفاهم بس يا بيه

ضحكوا علينا باسم الدين ..

قالوا إخوان قالوا مسلمين

وهما خونة ومجرمين ..

وكلامي ألف أمارة عليه

لما يقتلوا في الشباب ..

ويسَيِّبوا عليهم الكلاب

ويعيشونا في الإرهاب ..

يبقى ده اسمه ايه ؟

ثورة يا سعادة البيه

لما يطلق مجرمين ..

والأبرياء يباتوا مساجين

والثوريين بقوا معتقلين ..

قوللي ده كله يبقى ليه ؟

بيقول فى خطاب لسيمون بيريز ..

انت صديقى العزيز

كان رايق ... وكان لذيد

فاضل يطبع بوسه عليه

تبقى ثورة يا سيدنا البيه

لما البنزين ما نلاقيهوش ..

وكلايه يضربوا بالخرطوش

حتى الكهربا حلق حوش ..

بيفصلها ب عشرين جنيه

لما يقول منفوش الريش ..

تلت ارغفة غيرهم مفيش
وعامل ميزانية لأكله ..
شهرى يجى ميت الف جنيه
تبقى ثورة يا عم البيه

في رابعة عملوا مهر جان ..
يستجدوا فيه بالأمريكان
يبقى مين عميل وجبان....؟
رد قوللى ازاي وليه ؟!

قتلوا في طباط الداخلية ..
كنسوا الأرض ومسحوها بيا
وبالقناصة عمولي عينيه ..
تقدر تقول دلوقتى ايه ؟!

غير ثورة يا معالى البيه
لما يفتحوا الحدود ..
ويبقى الأمن ما لو هتش وجود
ويفتحوا الف نفق مسدود ..
كان الفتح ده لزمته ايه ؟

لما يقول يا انا يا الدم ..
مستنى منه ايه تانى يا عم ؟
عاوز أكثر من كدة غم ؟
ولا ردك بس ايه ؟!

ثورة ثورة والسلام ..
ثورة ثورة كفاية حرام
واى حد عنده كلام ..
يبقى الف طظ عليه

ولا ايه يا جناب البيه؟!

بنقول ثورة على مين ..؟!

على إخوان إرهابيين

على خونة على مجرمين ..

باعوا مصر باسم الدين

واللى بيع مش هشتريه

قولك ايه ؟!



الدنيا دي عجيبة

الدنيا دي عجيبة
فيها حاجات غريبة
كورة اجوان ولعبة
والحكم هو الزمن

ناس تشوت .. وناس تفوت
وناس تموت .. من غير تمن

فيها ناس عايشين بالغش
وناس ليها الف وش
وناس ساكنين في عش
وقادرين يواجهوا المحن

ياما أحياء ساكنين في قبور
وكتير أموات جوة قصور
وفي الدوامه الكل يدور
مع اللي شايل عمره كفن
دنيا بتجيب وتودى
وخيرها مطاطي وبيعدى
والشر دايم بيهدى
ويصب في احضان الوطن
في الدنيا دي عجائب
ده واخذ وغيره جايب
ده شاب وده سنه شايب
وده في سيرة الناس مش سايب

وضميره بقرش اترهن
فى ناس زى الديابة
فاكرين الدنيا غابة
وفيه برضو الغلاية
وفيه الكل انطحن

ومقلب القلوب
عالم بالنوايا
مين ياناس بيتوب
وما يبقالوش ضحايا
مين ناهب ومين سارق
مين خارب ومين حارق
والضمير فى الغابة غارق
أو فى ديتتنا اتسجن

بين الطوارئ والإرهاب

يا ريت نعيشك يا وطن
والعدل فيك مرة سكن
نقتل الخوف والوهن
ومفيش حاجة تهمنا

كل كبير فاكرنا حمير
بيخطط يخطط ويطير
واكمنه للجنيه أسير
لو طال يشرب من دمنا

شعبنا بقي واعى يفهم
يسكت ساعات يمكن يسلم
من حكومة ماتعرف ترحم

بتقطع فينا كلنا

مرة يمشوا قانون طوارئ
يقولوا ده سيف لكل سارق
طالع جارف نازل حارق
نفسى أفهم إيه ذنبنا

والطوارئ نار..
بتلغي الاستقرار
عار وألف عار
يحمينا الستار
من كل الى ذلنا

طوارئ مابتحميش فساد
وسييوننا من سيرة الجهاد

ناهيك كمان عن الاستعباد

ده سواد بيحرق قلبنا

ومرة يمشوا قانون إرهاب

يتتقموا بأشد العذاب

وكأننا حبة كلاب

وقفوا الكلام في الألسنة

نفسى أشوف في وطني عزتي

ونظام يصون آدميتي

يحترم رأيي وكلمتي

ويحفظ في العالم شكلنا

بين الطوارئ والإرهاب

حاطين وشوشنا في التراب

بس لازم من الحساب

و لازم ناخذ حقنا

الشعب خلاص بينفجر

مايغر كوش انه انكسر

سنين على الحال ده صبر

موكل عليكم ربنا

بس ظلم فاق الحد

وبين الصد والرد

بدأنا في النزول بالعد

وايدينا في ايدين يعضنا

بتستعيذوا يا كدابين .. طب من مين ؟!

تاه الحق في وسط الناس
استجار منهم خناس
جنبهم عنده إحساس
قال الحياة هنا متساويش

كدب وغش وأكل حقوق
وش حلو ورا الخازوق
مرة يعكر .. مرة يروق
حسب مصلحته أو مفيش

الشيطان بيسب لمين
بيقول يلا يا بني آدمين
ملايكة احنا وانتم شياطين
وسطكوا مبقتش عارف أعيش

خلیتوا ایه لیه امال
کده احنا کبیرنا لعب عیال
وکل مافیکوا صبح شیال
ذنوب وقلوب ما تساویش

کفایه طفحتونا الکیل
شیلتونا الهم شیل
لا بقالنا لازمة ولا بنخیل
ازای وسطکم هانعیش

اوسوس مرة لواحد یسرق
یروح یقتل ینهب یحرق...!!
وانا فی شبر المایة باغرق
دوخت من کتر الحشیش !!!
نفسی اسافر کوکب تانی
ترجع رجة اسم شیطانی
بقیت برئ والناس ظلمانی
وبتستعیدوا یا کدایین .. طب من مین؟؟؟

واحد من الرعاع

مسكينة

قرطسوكى و لبسوكى و جوزوكى

واحد من الرعاع

بيقول انا دكتور ..

و عروسته بتتباع

واقف كدة الطرطور ..

راضى بالضياح

يا دكتور مين دكتورك ..

و فى الكوشة مخطرک

وفهمك انك عريس ..

يا عم شوف منظرك

دخلت بكلمتين ع الناس

قاصد يشيلوك فوق الراس

من غير مهر ..

كله فى شهر

يا عريسنا استنا هنشورك

قالوا الأهل بنشترى راجل

يمكن فاضل !

يحمى عروسته و يبقى مناضل

جه العريس فى ليلته برك

يادى الحوسة ... ويا الكوسة

ناس مهووسة ... وناس منحوسة

و ناس ملحوسة

هى جوازة .. و لا جنازة؟!

أحلى عروسة ملهاش عازة؟!

جابولها عريس مشترك

يلم اللمة ... عم و عمه

و تصبح غمة
و يَلْبَسُ أهاليها العمة ..
فاكر نفسه واد فتك

عايز يبيع الى حيليتها ..
يبيع هدومها يبيع صيغيتها
يبيع ان شالة حتى بيتها ..
يبيع فشتها ... يبيع كلوتها
اصله ما يعرفش قيمتها
يا أهبل ناسها هتشحورك

طلق ياد يا ابن العياط
طلق و اخلص من سكات
طلق و بلاها عياط
ليه تشعللها حريق و شياط

اصغر عيالها هيعورك

خلصها واخلص بالذوق

و انتنط من تحت لفوق

ميهمناش تفجير و حروق

مهما تعمل هنغورك

لا تنفع جوز ولا تنفع فرد

اخر ك تشيل خرطوش او فرد

ارهابى من السما للارض

ومستحيل شىء هيغيرك



الجندي المصري

كان الجندي المصري زمان

سيرته تسمع كل مكان

عدوه يحاربه من ورا الجدران

والنهاردة فات الاوان

دا اللي باع

مين اشترى

ضمير و ضاع

جانبنا ورا

يلا الوداع

على اللي جرى

من مبيدات مليانة سرطان.

صفرا، وكلّى، وكبد اتهرأ..

والعقل ف ليه ؟
جوه المعصرة
والله بجد بقت مسخرة
الجندي المصرى صبح هزلان،

يتعب يشقا كل يوم..
غير نصيبه من الهموم
والجنيه أصبح معدوم
هو كمان بات خزلان

كل يوم بتقل القيمة
واقصادنا أبو حالة عظيمة
خلا مصر بقت وليمة
يطفح منها كل جبان

و يرجع تانى مرجوعنا
لنفس سابق موضوعنا
الجندى الى عليه اتوجعنا
ما هو الحماية فى كل اوان!

والحماية وقت وفات
مين فينا حاسس بأمان ؟
الجندى المصرى ذكريات
وده تخطيط الامريكان

واتحمل يا وزير الصحة
وزير زراعة بس خان
دخل لنا كل الامراض
مع مبيدات حاملة السرطان

وارجع لقديمك يا زمان
زى ماقال شاعرنا زمان
انت زمان ردة وبهتان
مباح فيه حتى العصيان

وادی الموضه للغاوى
شبابنا يبيعوا كلاوى
احسن من قاعدة القهاوى
تتباع اعضاء الانسان
واقول ايه فى زمن الهوان
حتى الى بيحمينا هان!!



شعب مشاغب

تعبنا ليل ونهار
مشاغبة باستمرار
شعب مشاغب..
شعب منافق..
عايز الضرب والاستعمار

ليه بتكرمه وتكرمه..
واكمنه ضعيف بترحمه
قوى عليهم قلبك حبة..
ومشيهم بحديد أو نار

والزاد اللي بالكترة..
لموا وبلاه استهتار
جوعهم علشان يتلموا..
ويصونوا النعمة بلا استنكار!!

واكمنك دايمًا مريحهم..
ولا مرة بتسى وتجرحهم
وبتيجي دايمًا على نفسك..
وبدون حق تبوح أعذار

و بتبنى للشباب مساكن ...
كله مرتاح كله ساكن
ما احلى تغيير الأماكن ...
يدوم (عز) ليل و نهار

ولا فيه ناس عايشين في مقابر..
ولا حد مهموم ساكت وصابر
ولا حد على غيرك قادر...!
يتخيل انه زعيم أحرار

أما الوحدات الصحية..
متجهزة ومية ال مية

وعلاج على نفقة حضر تكم..

يديك ربنا طول الاعمار

ولو حد ماشى فى حاله..

تلبسوه قضية وماله!!

اهو كله خدمة للوطن..

ولحضر ات الشطار

حبايبنا الناس الحرامية..

وخصوصا من الطبقة العليا

يهمنا نقفل قضية..

والفدية واحدم الصغار

ماهو لازم نتحمل بعضنا..

معانا ولا تكون ضدنا

فرض هنسكت مش حقنا..

ما احنا على الشمال اصفار
أما السجون حاجة تشرف
والناس الحلوة بتتعرف
لابورش ولا أكل يقرف..
ولا حد فكر فى انتحار

مرفوع فى عهدك يد الظلم..
وكلنا على دراية وعلم
لاشوفنا عهدك ولا هنشوف..
ولا حد داق طعم المرار

ومع كل ده متتاش عاجب..
وعمرك مافكرت تحاسب
غلطان سايلهم فى السايب..
أما صحيح دول ناس اشرار

سيبها بقا علشان يندموا..
لما يشوفوا اللى بيحرموا
ويدوقوا مرار اللى بيظلموا..
واللى يعيش دور الجبار
انا بترجاءك ومن مصلحتك..
تعيش مرتاح وعلى راحتك
ماداموا ماقدرواوش تعبك..
عيشلك يومين قبل ماتنتهار
عمرهم ما هيشتروك..
و يقدرنا تعب المشوار
تلاتين سنة وانت فى دمار..
و مصر كمان بقت فى دمار
ساحبها معاك فى التيار..
مش عارف تطير وانت الطيار؟!



كامب ديفيد

يا ريس اتخلعت ..

بعد ما خربت

على المصريين قدرت ..

ونقولك بس ايه ؟

تخصص .. تخصصتها

تفسد .. ما فسدتها

تدمر .. دمرتها

عايز تانى ايه ؟!

قولت يا مصر تراباك ..

أغلى من ذهبك وماسك

والأغلى منه ناسك ..

الى بتشتريه

اتاريك بتبيع فى كلام ..

ومعاهدة السلام
كلام وحرام في حرام..
ياخى كامب ديفيد ايه؟

ده العقل زينة ياعم الرئيس..
ولا انت كبرت ولا مهيس
كنت فالح تقول هنورث..؟

هتورث ابنك منها ايه..
هتورث له الكلمة..
مبقاش ليها لزمة
ده الكل قلع العمدة..
وبالجزمة حلف يرميه

الجزمة الى كانت موضوعة..
بين قايمتك السوداء
وعلى الشعب مفروضة..

من كل حرامي أو بيه

الشعب خلاص اتعلم ..

فاق من ظلم ماليه

خلاص مش ناوى يسلم ..

حقه بيموت عليه.



زينة البنات

طب ليه انتى ... ولا انتى مين...؟!!

وليه لبستى كفن جراحك

ومات حلمك بين السنين...؟!!

طب ليه انتى .. ولا انتى ليه...؟!!

عمرك كله يجوا عليه

ويقتلوكى المجرمين

كلاب مالهومش قلوب

ضايعين وسط الدروب

لا تربية ولا دين

قتلوا الفرحة من سكات

كانت زينة البنات

رحمة من رب العالمين

يا رب صبر أمها

قويها لحظة ضعفها

وارحم أبوها وأهلها

من ملامح عمر حزين

ومعدورين

رماهم الحزن طيف شريد

شاب الحلم في الوريد

ولبسوا توب الفرح حزين

انطفئ في عيونهم نور

ملاك في عمر الزهور

واتحرق قلب الحنين

يا غالية اعذرينا
حقك يا زينة علينا
لما تموتى انتى
ويفضلوا هما عايشين

بقيتى طيف على ورق
والحلم بيكى اتسرق
شمع قايد واتحرق
علشان كلاب خاينين



وهقول لطيفك كلمتين
حقك فى يوم راجع
يمكن تهدا المواجه
لو حتى يوم الدين

بحبك يا شدة

بحبك يا شدة ..
وكل الناس كرهاكى
مع ان عمرك مدة..
احيها بذكراكى
لو انتى شوك الوردة ..
بتحمينى أشواكى
بجناحك تعالى فردة ..
و استقوى بقواكى
و قوليلي النهاردة ...
و انا قلبي جواكى
كل حاجة واردة..
هسمع و طيعاكي
مين جوة الزمن ده ..

حماني وياكي ؟
لا سابني يوم شاردة ..
بجرحي اللي ملاكي
لا نكر خيرى مرة ..
وانا كنت نسياكي
و مين طعن فى ضهرى ..
ونساني ونساكي
و مين فرح بقهري ..
زادني و رضاكي
مين داق طعم صبري ..
و صبرني وياكي
و اللي شمت في غدرك ...
و اللي وراكي
انه بيأسا عنك ...
فكرني حته منك

و ناسى حتى انك..
دوارة بدنياكي
رايحة بكرة ليه ...
تنسيني وتفتكره
و الدور يبقى عليه ...
ما انا اصلي عرفاكي
بتلفي وتدوري ..
و تهدي وتثوري
و تطرحي وتبوري ..
وبتيجي على هواكي
لكنك المرايا ..
في اصل كل حكاية
بتظهري النوايا ..
عشان كدة حباكي
ف اهلا بيكي يا شدة ..
و معلىش تعبناكي.

دنيا مېتر ساش على حال

يا دنيا مېتر ساش على حال

مرة يمين .. مرة شمال

مهما نعانذك .. وتعاندينا

بترجعي لينا .. وتهربي فينا

تحني وتأسى .. بكام موال

ليه بتنسينا .. وتفتكرينا

كأنك دايرة ودايرة علينا

تفتكرينا .. بقلبة وشك .. والاحمال

وبتنسينا .. ملاك على عرشك .. حسب الحال

وبتاخدينا .. وبتدينا

وتبقي ساعات .. وبتشترينا

وتخلينا ..

نسأل الف سؤال وسؤال

امتى هترضي ..

امتى تعدى ..

امتى تهدى

فى الأحوال

امتى نعيشك ..

وتدارى طيشك ..

نافشة ف ريشك

لعب عيال

معادلة صعبة ..

ارحمى حبة ..
بنستخى من الاهوال
يا ست حني ..
يلا غني ..
واقتي ظني لو في خيال
عشان عيوني ..
في وسط كوني ..
ليا كوني كل الوصال
اميل عليكى ..
اتدارى فيكى ..
واشترىكى حنيني طال.

جيت الدنيا وما بيديش

جيت الدنيا و ما بيديش
طاير عايش من غير ريش
روح بترفرف جوة الدنيا
و صوت بيصرخ نفسي أعيش
من غير هم .. عايز مم
و حبة دم
بس مفيش
عايز قلب ... مليون حب
وحمل يارب
غيرك ماليش
افرد مرة شراع الصبر ...
والم قلعو الخوف تخاطيف
القي زماي ...

صرخ في مكاني ..
انت يا دوب حبة بأشيش
انت لون من غير ورنيش
انت حياتك كسرة و حسرة
انت منك .. تاني مفيش



فین حنانك

مشتاقلك ..

باسمع صوتك دايمًا ينادى

محتجالك ..

حبك هز ضمير فؤادى

مشتاقلك ..

واسمعل نبض فى وريدى

محتجالك ..

يهون عذابى يهون تنهيدى

يا حبيبى

حبك انت زى ما كان ..

ماتغيرش عن ما كان

لا قدر يمحيه زمان ..

ولا يقدر يحويه مكان

لكن الشكوى جوة قلبى ..

مسجونة وقسوتك سجان
والأشواق حوالية حايه
دايرة بتنادى الحنان
فين حنانك يا حبيبي ..
ولا هو برضو هان !!
صعب قلب يتوه طريقه ..
بعد ما لقي الأمان
حس بشهده ..
مات في حريقه ..
صحافرح ..
قتل احزان
عام في بحرك ..
رسى في شطك ..
عاش معاك كتير زمان

رسي وكان معاك مطمئن ..

صحي لقي نفسه غرقان

يا حبيبي

انت ناسي حبي ليك ..

انا القلب الولهان

ولا ناسي حبك لية ..؟!

الى حسيته زمان

يلا نحبي مرة لحظة ..

عشنا فيها بالامان

يلا لمس نبض قلبي ..

وامحي تكوين الهوان

يلا نبداً عمر تاني ..

نرجع الشوق والحنان

يلا نعيش عمر جديد ..

ونطوي اى حزن كان.



يكون أو لا يكون

زارنا يكون أو لا يكون

ومنمناش طول الليل

قولت يا والدى..

هى ظنون..؟!

قاللى ابداء..

عندى دليل

سألته دليلك ايه فيدنى ؟!

قاللى شكله زى الليل

لكن ملامحه ماهياش واضحة

شكله وحش أو شكله جميل

سألته يا ترى كام عمره يكون ؟!

قاللى صغير بس طويل

قولت الكلام ده مش مضمون

اكيد كلامك فيه تهويل !

قاللى صورته جوه عيوني

تهيوءات ...؟

لاء مستحيل !

انا طول عمرى بشوط فى الجون

وعمر نظري ما كان عليل

قومنا ضحكنا وبعدين قولنا

نضحك أحسن ليكون زارنا

وهنا الضحك مالوهش بديل

(حديث مع أبى رحمه الله فى جوف الليل)

ابن ميت ألف سنة

كاتبة حروفك ع الأيام ..

يا ابن ميت ألف سنة

لقيت في عيونك الأحلام ..

حقيقة مليانة هنا

سرقاني من وسط الآلام ..

نرسم تكوين حبنا

راسمة عيونك ع السنين ..

ملوناها بالحنين

كنت ليه وازاى و فين ..

عائشة سنين قبلك انا

ملت ملامحى بالنهار ..

بنيت قلب عيونك دار

وفي تكوينى بقيت مشوار ..

أمشيہ عشانك ميت سنة

بحبك بعشقتك بهواك ..

نبض قلبي بيتمناك

روحي طير هايم فى سماك

يستناك .. يترجاك ..

يحرس قلبك يركاك

يا زرع الحب .. و طرح المنى



رسمت ملامحك ع الوجدان ..

نقشت حروفك ع الزمان

والحزن سيرة كان وكان ..

هو العمر فيه كام سنة ؟!

استحالة في يوم رجوعي

أرسم طريق رجوعك

بالحب والهنا

وقلبي بالمحبة

يضيوي ميت سنة

ناقشة فيه حروف اسمك

لونك أصلك شكل ملامحك

دمك حبك حضنك قلبك

ملقتش غير أسيه

وعذاب وسط الحنية

ودموع بتملا عينية

لبست توب جراح

وبرضوا بقول سماح

ماخلاص راح الى راح

اتبدلت افراحي تاني
طريقي تاه منه المعاني
ضلووعي دبلت وسط الأمانى

خبي ملامحك .. مش هعاتبك
زرعت قلبى فى حضن جرحك
ومش هلومك لو تنساني
جوة طريقي تاه عنوانى



والبريق طفاه دموعي
فاستحالة في يوم رجوعي

من قلبي مش عوزاه

يا فاكِر نفسك نبى
ولا فى عينيك اله
وجودك كان كوكبى
لما عقلى تاه
فاكرنى هسمع تانى ؟
واشكى و افضل أعانى
و تملانى أحزاني ..
وأقول منك لله ؟

عانيت منك كثير ..
وكان قلبى ضرير
زرعنى حزن مرير ..
و طرحنى صبر و آه
مشيت كثير بطبعك ..

سهلت بنفسي صعبك
ورضيت بصبري أطاوعك ..
وصبري في منتهاه

صبرت لما شقيت ..
وتعبت و اتهديت
و خلاص من قلبي نويت ..
أمحيك من الحياة

يا آهات مليانة صبر ..
في سنين وجرح عمر
نسيني غدر وهجر ..
وصبر في الحياة

كفاية علي بقا ..
بين بعاد و لقا
جرح و هجر و شقا ..
في حب محتجاه

قسيت علي كثير ..
مات فيك الضمير
قلبك بدون تبرير ..
من قلبى مش عوزاه



الفهرس

٣.....	تقديم
٦.....	مقدمة
٩.....	شعب للبيع
٢٣.....	ميشو
٢٧.....	المزاد
٤١.....	ملعون يا باشا حضرتك
٤٦.....	متمسكين
٥٠.....	ثورة دي ولا انقلاب
٥٨.....	بين الطوارئ والإرهاب
٦٢.....	بتستعيذوا يا كدابين .. طب من مين ؟!
٦٤.....	واحد من الرعاع
٦٨.....	الجندي المصري
٧٢.....	شعب مشاغب
٧٧.....	كامب ديفيد
٨٠.....	زينة البنات
٨٣.....	بحبك يا شدة

٨٩	جيت الدنيا وما بيديش
٩١	فين حنانك
٩٤	يكون أو لا يكون
٩٦	ابن ميت ألف سنة
٩٨	استحالة في يوم رجوعي
١٠٠	من قلبي مش عوزاه
١٠٣	الفهرس

